

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historia Zaringo Badensis**

**Schöpflin, Johann Daniel**

**Carolsruhae, 1765**

CLIV.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

Symoni Civibus Argent. ac toti Civitati nunc & imposterum de hujusmodi commisso, de quo prædictum est, firmam reconciliationem dedimus promittentes nihilominus in hiis scriptis, quod nos si quid contra quemquam a tempore creationis serenissimi domini nostri Rudolphi Romanorum Regis indebite acceptavimus coram eodem domino nostro rege cum requisiti fuerimus, universis justitiam faciemus, ita quod & ipsi nobis justitiam ibidem de eis, si qua contra ipsos nobis proponere competit, e converso facere sint parati. Datum anno domini MCCLXXIV. Dominica proxima post festum S. Jacobi Apostoli. In cujus facti evidentiam nostro sigillo roboravimus presens scriptum.



## CLIV.

URBIS BRISACENSIS JUS CIVILE A RUDOLPHO I.  
IMPERATORE DEFINITUM.

A N N O M C C L X X V.

*Ex autographo Brisacensi.*

**R**UDOLPHUS Dei gratia Romanorum Rex, semper Augustus, regie Majestatis ordinatio de qua leges manant, per quam consuetudines subsistunt, subscripta Jura suis contradidit incolis, ut his contenti pacatam vitam habeant eorumque contemptores legum examine punian-

*Cod. Dipl.*

K k

tur. Si quis infra bannum burgi Brisack homicidium commiserit capite plectetur. qui si effugerit, domus ejus funditus destruetur, & infra annum non reædificabitur, omnisque possessio ejus tam mobilium quam immobilium infra bannum burgi Brisach sita nostræ cedent potestati, nec unquam regressus ei in civitatem concedetur, finito anno heredes ejus tres libras Judici, & decem nobis persolvent, & licentiam reædificandi habebunt, si vero ad Judicium veniens se innocentem dixerit nisi per duellum convictus fuerit expurgatione præstita, liber & indemnis erit. Quacunque etiam hora noctis vel diei de homicida judici querimonia fuerit oblata continuo judex per sonitum campanarum Universitate Civium convocata, Judicium sicut præscriptum est faciet de ipso. Si quis auxilium evadendi homicidæ præstiterit pœna plectetur, quâ reus puniendus erat, præter hoc quod sine pulsatione campanarum judicium de ipso fiet. Quod si auxilium fugienti præstitisse negaverit, nisi similiter per duellum convictus fuerit, expurgatione præstita absolvetur. Si quis infra bannum burgi aliquem vulneraverit manu plectetur, & tanquam homicida sine spe redeundi a Burgo ejiciatur. Si autem ad Judicium quod sonitu campanarum sicut de homicida fieri debet, veniens, se fecisse negaverit nisi duello convincatur expurgatione præstita absolvetur. Si Cives Burgum aliqua occasione communiter exierint, pacem quam in burgo tenebant, eundo, redeundo inviolatam servabunt; & violatam eo modo quo in Burgo emendabunt. Quicumque prædictum Burgum inhabitantes Cives loci, bannum burgi exierint præterquam in Negotio Civitatis, & alter alterum occiderit vel vulneraverit tres solidos Judici, & tres injuriam passo emendabit. nisi fortè evidens & notorium fuerit quod prius inimicitias sibi gesserit, verba salu-

tationis sibi denegando, Tunc enim iudicium quod de homicidis & vulneratoribus supra scriptum est de ipso sumetur. Quicumque prædictum Burgum inhabitant viri & fœminæ tanquam ejusdem conditionis matrimonium contrahent, & fœminæ sicut Viri in hæreditatem succedunt parentum. Si qui duellum inierint, loricati & duobus gladijs muniti pugnabunt, qui in duello victus fuerit arma sua judici resignabit, vel pro quolibet genere armaturæ tres libras componet. In burgo Brisfach singulis annis duodecim eligentur qui de communi utilitate fideliter disponent, Quorum si Aliquis pro iudicio munus exegerit vel exactum receperit, & de hoc per duos suos complices convictus fuerit, dejicietur a consortio ipsorum, nec in perpetuum ad burgi consilium admittetur, qui duodecim etiam hoc honore fruuntur, ut si quis advena domum cujusquam eorum hospes intraverit, quamdiu secum steterit hospes a nemine in iudicio Brisfacensi super aliquo debito debeat conveniri. Vnusquisque etiam eorum liber erit anno illo duorum solidorum census nostri qui ab omnibus Burgensibus prædicti Burgi nobis annis singulis debentur. Si quis Burgensium infra burgum vel extra nostram gratiam demeruerit, non eum in persona vel rebus offendemus, nisi prius legitimis inducijs citatum, & ordine judiciario convictum, vel confessum, pro gratia vero nostra recuperanda decem libras nobis, judici tres, & ei quem læsit tres persolvat, postquam vero victus vel confessus fuerit, statim iudex de bonis suis ad valorem earundem sedecim librarum sub nostra custodia sequestrabit, inducias tamen habebit pro nostra gratia recuperanda sex hebdomadarum & trium dierum quibus expletis, si gratiam nostram non fuerit consecutus, omnia bona sua in banno burgi Brisfach sita, no-

stræ cedent potestati, quod si iudex alicujus odii occasione se sibi gravem reddiderit a burgo recedendo, vel alias se subtrahendo ut sibi nomine nostro dicta pecunia infra debitum terminum non solvatur, reus ipsam pecuniam in manus eorum duodecim qui de consilio fuerint, nomine nostro offeret, & sic gratiam recuperabit. Si quis infra bannum burgi aliquem burgenfium armata manu invaserit, sive percutiat, sive non, gratiâ nostrâ carebit; Si quis aliquem burgenfium ad terram dejecerit, a nostrâ gratia sit alienus. Si quis infra bannum burgi aliquem de burgenfibus propria domo vel aliena malignandi animo quod vulgo dicitur *Heimbsuchen*, quæsierit, gratiâ nostrâ carebit; Si strepitus vel tumultus ob incendia, rixas, vel ob aliquem alium casum emerferit, quicumque illic arma aliqua gestaverit, præter clypeum, ferreum pilleum, & securim, tres libras iudici emendabit, nisi guerra vel insultus hostium in bannum provenerit, & ad resistendum eis communiter exierint. Si quis alteri probrosè conviciatus fuerit, Iudici decem Solidos, universitati Burgenfium decem, & convitia passo decem persolvat. Si quis incola hujus burgi egestatis causa vel alia necessitate a burgo recedere voluerit, libere recedat. Infra burgum Brisach & Argentinensem civitatem nullus erit portus qui vulgo dicitur *Ladtstatt* nisi apud Brisach, ab exactione thelonei burgenfes per nostri Rheni districtum absolvimus, infra Rheni nostri terminos sub nostri conductus securitate negotiabuntur, omnes homines statuta burgi secum volentes servare recipient, Quod si forte alicujus proprium hominem receperint, si ante annum expletum a die receptionis suæ a suo domino repetatur, & suus esse jure debito comprobetur, eidem domino suo reddetur; post annum vero expletum, dictus dominus si in provincia fuerit, repetendi nullam habeat faculta-

tem. Quidquid infra ambitum Rheni supra Brisack ad duo miliaria & inferius ad unum fuerit *Rheinfällig* ad ipsum burgum pertinebit, præterea supradictis civibus de Brisaco ex libertate regia concedimus, ut possint habere foëda & possidere secundum consuetudinem feudorum. Item ipsis civibus omnes honestas & rationabiles consuetudines confirmamus jure Imperii in omnibus supradictis excepto. ut autem hec omnia inviolabiliter observentur, præsentem paginam conscribi, & regie Majestatis sigillo fecimus insigniri, statuentes ut nulla persona humilis vel alta his nostris statutis obviare præsumat, ad majorem etiam confirmationem hi, qui aderant testes subscripti sunt, Venerabilis Henricus Tridentinus Episcopus, Illustres Albertus Saxonie & Philippus Carinthie Duces, MARCHIO de HACHPERCH, Burgardus de Hoënberch, Everardus de Catzinnellenboge, & Henricus de Vriburch Comites, Walterus de Clingen, Vlricus de Rapoltsteine, Rudolphus de Hewin, Hesso de Vfenberch, & Burcardus de Horburch nobiles.

Signum Domini Rudolphi Romanorum Regis Invictissimi

Acta sunt hæc anno	Dominicæ Incarnationis
Milesimo Ducentesimo	Septuagesimo Quinto,
Indictione tertia. Re	gnante Domino Rudolfo
(Locus monogrammaticis)	renissimo anno regni ejus
Romanorum rege Se	renissimo anno regni ejus
secundo. Datum apud	Brisack octavo Kalend, Se-
ptembris feliciter	Amen.